

SESIÓN ORDINARIA DA XUNTA DE GOBERNO LOCAL CELEBRADA O DÍA 7 DE
AGOSTO DE 2014.-
ÍNDICE DE PUNTOS

C.I.F.: P – 1500200 – I

PUNTO PRIMEIRO.- ACTAS ANTERIORES.-.....	3
PUNTO SEGUNDO.- LICENZAS DE PRIMEIRA OCUPACIÓN.-.....	3
PUNTO TERCEIRO.- CLASIFICACIÓN DE OFERTAS E REQUIRIMENTO DE PRESENTACIÓN DE DOCUMENTACIÓN PARA ADXUDICACIÓN DO PROCEDEMENTO ABERTO, OFERTA ECONOMICAMENTE MÁIS VANTAXOSA, CON ÚNICO CRITERIO DE ADXUDICACIÓN (PREZO OFERTADO) PARA O SERVIZO DE MANTEMENTO PREVENTIVO E CORRECTIVO DE ILLAS DE CONTEDORES SOTERRADOS DO CONCELLO DE AMES.-.....	4
PUNTO CUARTO.- ADXUDICACIÓN DO PROCEDEMENTO NEGOCIADO SEN PUBLICIDADE DAS OBRAS DE PINTADO INTERIOR DO PAVILLÓN DE MILLADOIRO.-.....	6
PUNTO QUINTO.- ADXUDICACIÓN DAS OBRAS DE REPARACIÓN E ADECUACIÓN NOS PARQUES INFANTÍS DE AGRO DO MUIÑO, PRAZA DE CHAVIÁN E PRAZA DE CORREOS INCLUIDAS NO POS ADICCIONAL 1/2013.-.....	7
PUNTO SEXTO.- APROBACIÓN DO PADRÓN DAS TAXAS POLA PRESTACIÓN DOS SERVIZOS DE SUBMINISTRACIÓN DE AUGA, SANEAMENTO E DEPURACIÓN DE AUGAS RESIDUAIS E ACTIVIDADES E SERVIZOS RELACIONADOS COA HIXIENE URBANA, CORRESPONDENTE AO SEGUNDO TRIMESTRE DO EXERCICIO 2014.-.....	8
PUNTO SÉTIMO.- APROBACIÓN DO PADRÓN DA TAXA POLA PRESTACIÓN DE SERVIZOS EDUCATIVOS E DE CONCILIACIÓN DA VIDA FAMILIAR E LABORAL PADRÓN PRESTACIÓN XUÑO LÚDICO 2014 .-.....	10
PUNTO OITAVO.- APROBACIÓN DO CENSO DE ALUMNOS/AS DAS ESCOLAS INFANTÍS MUNICIPAIS O BOSQUE E A MADALENA, AGOSTO 2014.-.....	10

SESIÓN ORDINARIA DA XUNTA DE GOBERNO LOCAL CELEBRADA O DÍA 7 DE AGOSTO DE 2014.-

Na Casa Consistorial de Ames, sendo as trece horas (13:00 h) do día sete (7) de agosto de dous mil catorce (2014), reúnese a Xunta de Goberno Local deste Concello en sesión ordinaria de primeira convocatoria, baixo a Presidencia do alcalde, Santiago V. Amor Barreiro, e coa asistencia dos tenentes de alcalde Alfredo Taboada Alvelo e Bernardo Moar Míguez.

Non asisten, pero xustifican a súa ausencia María Eugenia Martín Vicente e M^a Carmen Verde Leboráns.

Actúa de **secretaria** a funcionaria do departamento de Secretaría Concepción Vilas Cantelar.

PUNTO PRIMEIRO.- ACTAS ANTERIORES.-

O señor presidente pregunta aos asistentes se teñen algunha alegación que formular ás actas das sesións anteriores, a correspondente á sesión ordinaria do 17 de xullo e extraordinaria do 28 de xullo, e que foron distribuídas con anterioridade, en cumprimento do establecido no artigo 91.1 do Regulamento de organización, funcionamento e réxime xurídico das entidades locais (ROF).

Non formulándose alegacións polos asistentes, a Presidencia declara aprobadas as actas por unanimidade.

PUNTO SEGUNDO.- LICENZAS DE PRIMEIRA OCUPACIÓN.-

1.- Dáse conta da documentación presentada por **José Ramón Marcos Mosquera**, con DNI 44.842.907-Z, para a tramitación de licenza de primeira ocupación dunha vivenda unifamiliar construída na parcela con referencia catastral 9589606NH2498N0001ZQ, situada no lugar de Castelo, núm. 81, parroquia de Ames (Ames).

Achega o correspondente certificado final de obra, asinado polos técnicos directores das obras e visado polos colexios correspondentes do expediente 27/2009, cuxa licenza de obras foi concedida pola Xunta de Goberno Local na sesión celebrada o día 1 de abril de 2009.

Figura aboada a taxa pola expedición de licenzas urbanísticas por importe de 94,77 euros.

Expediente primeira ocupación 1/2013

Vistos os informes técnico e xurídico favorables obrantes no expediente que propoñen a concesión da licenza de primeira ocupación solicitada, a Xunta de Goberno Local por unanimidade dos seus membros presentes, e previa delegación da Alcaldía (Decreto 751/2011), acorda:

Primeiro.- Conceder a **José Ramón Marcos Mosquera**, con DNI 44.842.907-Z, licenza de primeira ocupación, dunha vivenda unifamiliar construída na parcela con referencia catastral 9589606NH2498N0001ZQ, situada no lugar de Castelo, núm. 81, parroquia de Ames, construción executada ao abeiro do proxecto para o cal se concedeu licenza en Xunta de Goberno Local de 1 de abril de 2009 (expediente 27/2009), segundo certifican o arquitecto Manuel Ángel Echevarría Ulargui (COAG 461) e o arquitecto técnico don Jaime Casais Pequeño e a acta de recepción do edificio terminado asinada o día 14 de decembro de 2012.

Segundo.- Formalizárase ante o Catastro Inmobiliario a declaración conducente á incorporación no mesmo da modificación do inmovible derivada da actuación para a que se concedeu a licenza de obra 27/2009.

Terceiro.- Dar traslado á empresa concesionaria dos servizos de auga e saneamento aos efectos das posibles altas nos censos tributarios que correspondan.

Cuarto.- Instar ao Rexistro da Propiedade a inscrición da franxa de terreo, con destino a

viais e espazos públicos, cedida ao Concello, (formalizada en escritura pública outorgada ante o Notario Nelson Rodicio Rodicio en data 29 de maio de 2009) en cumprimento do apartado segundo da licenza municipal de obras, concedida mediante acordo da Xunta de Goberno Local de data 1 de abril de 2009.

Quinto.- Facultar ao señor alcalde, don Santiago Vicente Amor Barreiro, para cantas actuacións sexan precisas para a mellor execución do acordado.

PUNTO TERCEIRO.- CLASIFICACIÓN DE OFERTAS E REQUIRIMENTO DE PRESENTACIÓN DE DOCUMENTACIÓN PARA ADXUDICACIÓN DO PROCEDIMENTO ABERTO, OFERTA ECONOMICAMENTE MÁIS VANTAXOSA, CON ÚNICO CRITERIO DE ADXUDICACIÓN (PREZO OFERTADO) PARA O SERVIZO DE MANTEMENTO PREVENTIVO E CORRECTIVO DE ILLAS DE CONTEDORES SOTERRADOS DO CONCELLO DE AMES.-

Dáse conta á Xunta de Goberno Local da lista por orde decrecente da puntuación e proposta de adxudicación que formula a mesa de contratación no procedemento aberto, varios criterios de adxudicación para a adxudicación do servizo de **“mantemento preventivo e correctivo de illas de colectores soterrados do Concello de Ames”**.

A mesa de contratación, na súa reunión do día 1 de xullo de 2014, propón ao órgano de contratación a exclusión do procedemento da empresa Javi-Luz electricidade, S.L. polos motivos expostos en dita acta e que en síntese son os seguintes:

Dáse conta de que a empresa Javi Luz Electricidade, S.L. presentou documentación en relación coa xustificación da baixa temeraria na que incorrera a súa oferta económica, tal e como consta na acta da reunión da mesa de contratación do pasado día 3 de xuño. En relación con este trámite a devandita empresa presenta basicamente un escrito, rexistrado de entrada co nº 8661, de data 30 de xuño de 2014 no que en síntese manifesta o seguinte:

"Tras haber analizado la oferta económica se ha detectado error en las cantidades, puesto que en el pliego de condiciones se pide que se indique oferta correspondiente a los dos años iniciales del contrato, y la oferta presentada por nuestra empresa es precio por año de contrato, por lo que las cantidades correctas correspondientes a los dos años iniciales del contrato sería las resultantes de multiplicar por 2 la oferta presentada, se adjunta al final oferta formal: base imponible: 21.720.- €, IVA 4.561,20.- €, importe total: 26.281,20.- €.". Por estos motivos rogamos tengan a bien aceptar nuestra justificación y acepten las nuevas cantidades como nuestra oferta para el contrato en licitación".

(CONSIDERACIÓN DA MESA)

O licitador manifesta de xeito claro e inequívoco que tivo un erro ao consignar a súa oferta económica, indicando o importe correspondente a un ano, cando (como el mesmo recoñece) o importe da oferta económica debería referirse aos 2 anos iniciais do contrato (tal e como figuraba expresamente no modelo de oferta económica). O artigo 84 do Real Decreto 1098/2001, de 12 de outubro, polo que se aproba o Regulamento General da Lei de Contratos das Administracións Públicas dispón que "se algunha proposición non gardase concordancia coa documentación examinada e admitida, excedese o presuposto base de licitación, variara substancialmente o modelo establecido, ou comportase erro manifesto no importe da proposición, ou existise recoñecemento por parte do licitador de que adolece de erro ou inconsistencia que a fagan inviable, será desbotada pola mesa, en resolución motivada.....". A vista do contido do devandito artigo e recoñecendo o licitador que adolece de erro (consinou o importe de 1 ano en vez do correspondente a 2 anos) e entendendo que a devandita proposición resulta claramente inviable, pois representa unha baixa dun 63,80% respecto ao tipo de licitación, superando en máis do triplo o seguinte porcentaxe de baixa máis elevado (19%), procede o rexeitamento da proposición polos motivos e razoamentos expostos anteriormente.

Así mesmo a mesa de contratación nesa mesma reunión e unha vez valoradas convenientemente as ofertas dos licitadores, elaborou unha lista de licitadores ordenada de xeito decrecente segundo a puntuación obtida por cada un deles e propón a adxudicación do servizo á empresa **ECOLIMSISTEM, S.L.**, por ser a que obtivo a maior puntuación, segundo os criterios establecidos no prego de cláusulas administrativas, resultando a puntuación total obtida por cada un dos licitadores a seguinte:

LICITADOR	OFERTA ECONÓMICA	PUNTOS
ECOLIMSISTEM SL	24.300,00	100,00
2000 JOSCON CONSTRUCCIONES SL	25.350,00	95,86
FORMATO VERDE SL	27.300,00	89,01

Visto o que antecede a Xunta de Goberno Local, por unanimidade dos seus membros presentes, previa delegación da Alcaldía (decreto 751/2011), acorda:

Primeiro.- Excluir do procedemento a empresa Javi-Luz electricidad, S.L. polos motivos indicados anteriormente.

Segundo.- Clasificar por orde decrecente de puntuación as empresas participantes no procedemento do seguinte xeito:

LICITADOR	OFERTA ECONÓMICA	PUNTOS
ECOLIMSISTEM SL	24.300,00	100,00
2000 JOSCON CONSTRUCCIONES SL	25.350,00	95,86
FORMATO VERDE SL	27.300,00	89,01

Terceiro.- Declarar que as características esenciais da referida contratación para o licitador clasificado en primeiro lugar **ECOLIMSISTEM, S.L.**, con CIF B-15764582 son as seguintes:

A.- Prezo: O importe da oferta do dito licitador ascende á contía de vinte e catro mil trescentos euros (24.300,00.- euros), sen IVE.

B.- IVE repercutible: A contía do IVE repercutible ao tipo do 10% ascende a contía de dous mil catrocentos trinta euros (2430,00.- euros).

C.- Prazo de execución: O contrato terá unha duración inicial de **dous anos** prorrogable expresamente por períodos dun ano, por mutuo acordo das partes, ata un máximo de catro anos (incluído o período inicial e prórrogas).

D.- Resto de condicións: O adxudicatario deberá cumprir coas condicións fixadas nos pregos de cláusulas administrativas particulares polo que se rexeu o procedemento, así como coa proposición formulada.

Cuarto.- Notificar o presente acordo aos licitadores.

Quinto.- No prazo de dez días hábiles, contados a partir do día seguinte ao da notificación do presente acordo, o licitador clasificado en primeiro lugar deberá presentar a seguinte documentación imprescindible para, de ser o caso, proceder á correspondente adxudicación:

- Certificación acreditativa de estar ao corrente no cumprimento das obrigas tributarias e coa Seguridade Social. Documento xustificativo de ter constituída *(en calquera das formas establecidas no artigo 96, do Real Decreto Lexislativo 3/2011, de 14 de novembro, polo que se aproba o Texto Refundido da Lei de contratos do sector público)* unha garantía definitiva por importe de **1.215,00.- euros**, correspondente ao 5% do prezo de adxudicación, correspondente a dúas anualidades, excluído o imposto sobre o valor engadido.

- Documento xustificativo do reembolso ao concello do importe dos anuncios de licitación. O adxudicatario deberá aboar ao concello (de ser o caso) en concepto de reembolso dos

gastos de publicacións dos anuncios de licitación de acordo co estipulado no artigo 75 do Real Decreto 1098/2001 de 12 de outubro polo que se aproba o Regulamento Xeral da Lei de Contratos do Sector Público.

De non presentarse a antedita documentación no prazo conferido non se poderá proceder á adxudicación do contrato ó licitador clasificado en primeiro lugar.

Sexto.- Facultar ao señor alcalde, don Santiago V. Amor Barreiro, para cantas actuacións sexan precisas para a mellor execución do acordado.

PUNTO CUARTO.- ADXUDICACIÓN DO PROCEDEMENTO NEGOCIADO SEN PUBLICIDADE DAS OBRAS DE PINTADO INTERIOR DO PAVILLÓN DE MILLADOIRO.-

O señor alcalde informa que a Xunta de Goberno Local, en sesión do día 3 de xullo de 2014, realizou a clasificación de ofertas e requirimento de presentación de documentación do procedemento negociado sen publicidade que se segue para a contratación das obras de **"pintado interior do pavillón de Milladoiro"**.

O dito acordo de clasificación de ofertas e requirimento de documentación foi notificado ao licitador clasificado en primeiro lugar.

Unha vez presentada polo clasificado en primeiro lugar a documentación establecida no artigo 151 do Texto refundido da Lei de contratos do sector público, resulta procedente adxudicar a dita obra.

Visto o que antecede a Xunta de Goberno Local, por unanimidade dos seus membros presentes, previa delegación da Alcaldía (decreto 751/2011), acorda:

Primeiro.- Adxudicar a realización das obras de **"pintado interior do pavillón de Milladoiro"** á **Pinturas Félix Bouzas Fernández Pintura y Decoración**, con CIF 44820821 P e nas seguintes condicións:

A.- Prezo: O importe da oferta do dito licitador ascende á contía de oito mil catrocentos setenta e tres euros e cincuenta céntimos **(8.473,50.- Euros)** sen IVE.

B.- IVE repercutible: A contía do IVE repercutible ao tipo do 21% ascende a contía de mil setecentos setenta e nove euros e corenta e tres céntimos **(1.779,43.- €)**.

C.- Prazo de execución: O prazo de execución do contrato será de 1 mes, contados a partir do día seguinte ó da sinatura da acta de comprobación de replanteo, salvo que exista reserva fundada que impida o seu comezo.

D.- Resto de condicións: O adxudicatario deberá cumprir coas condicións fixadas nos pregos de cláusulas administrativas particulares polo que se rexeu o procedemento, así como coa proposición formulada.

PUNTO QUINTO.- ADXUDICACIÓN DAS OBRAS DE REPARACIÓN E ADECUACIÓN NOS PARQUES INFANTÍS DE AGRO DO MUIÑO, PRAZA DE CHAVIÁN E PRAZA DE CORREOS INCLUIDAS NO POS ADICCIONAL 1/2013.-

O señor alcalde informa que a Xunta de Goberno Local, en sesión do día 13 de xuño de 2014, realizou a clasificación de ofertas e requirimento de presentación de documentación do procedemento negociado sen publicidade que se segue para a contratación das **"Obras de reparación e adecuación nos parques infantís de Agro do Muíño, Praza de Chavián e Praza de Correos"**, resultando a empresa Jardincelas, S.L. a que obtivo maior puntuación unha vez excluída do procedemento a empresa Oziona soluciones de entretenimiento, S.L. por incorrer a súa oferta en baixa temeraria e non ser aceptada a xustificación da mesma presentada.

O dito acordo de clasificación de ofertas e requirimento de documentación foi notificado aos licitadores admitidos. Unha vez notificado o dito acordo á empresa Oziona, S.L. facilitóuselle tamén (*previa petición verbal*) en data 4-xullo-2014 copia do informe emitido pola arquitecta técnica municipal D^a María Gamundi Fernández, e en base ao cal se acordou desestimar a xustificación da baixa temeraria presentada por Oziona S.L. En data 7 de xullo de 2014 con rexistro de entrada nº 8939 presenta un escrito, sen que constitúa un recurso de reposición en si mesmo, pois nada menciona expresamente sobre o acordo da súa exclusión do procedemento de licitación, e no que o que fai unicamente e volver a incidir en cuestións relativas a xustificación da baixa temeraria manifestando en síntese o seguinte:

1.- *El coste de mano de obra incluído dentro del 19% de gastos generales y beneficio industrial, se debe a que el elevado volumen de ventar del último ejercicio (como se adjunta en la relación de obras ejecutadas) lleva implícita una reducción considerable de los costes estructura, lo que nos permite su repercusión dentro de los costes indirectos.*

2.- *En relación a la partida 1.4 del vallado metálico, no se ha tenido en cuenta los gastos de material necesario para su colocación ya que la sujeción de ésta tanto del cartel van incluídas en la propia solera de hormigón.*

3.- *En la partida 1.7 de pavimento de caucho continuo, detalla cuadro descompuesto de precios por m2 (se adjunta presupuesto). En su momento no se facilitó información detallada, debido a que este producto es vital para nuestra empresa (hablando de costes) por lo cual somos reacios a dar este tipo de datos ya que la consideramos información confidencial, despues de lograr una muy buena política de compra de los productos que componen los suelos amortiguantes, como además así ha quedado evidenciado en la diferencia de precio final que Oziona Soluciones de Entretenimiento, S.L. ofrece sobre otros competidores directos, solicitándole que dicha información no trascienda más alla de lo necesario para la evaluación de la baja en consideración.*

DESGLOSE PARTIDAS (se omiten los datos por la expresa petición de Oziona SL).

4.- *Cabe destacar que la relación de obras ejecutadas aportada en su día (siendo la mayor parte AAPP) justifica con mucho la solvencia técnica y el buen hacer de nuestra empresa, considerando que porcentaje de volumen facturado es muy superior al precio de ejecución del presente contrato.*

5.- *Asimismo cabe destacar qie desde la creación de la empresa no hemos tenido incidencia alguna en nuestras obras alcanzando en el ejercicio anterior la cifra de negocios de (se omite) Euros."*

En relación co devandito escrito a arquitecta técnica municipal D^a María Gamundi Fernández manifesta en síntese o seguinte o seguinte:

"Analizada a documentación presentada, considérase que non da resposta adecuada ás consideracións relacionadas no informe emitido pola técnica que subscribe en data 27 de maio de 2014. En conclusión, salvo mellor criterio, propónse desestimar a alegación presentada"

Visto o que antecede e considerando o manifestado pola arquitecta técnica D^a María Gamundi, a Xunta de Goberno Local, por unanimidade dos seus membros presentes, previa delegación da Alcaldía (decreto 751/2011), acorda:

Primeiro.- Confirmar a exclusión do procedemento da empresa Oziona soluciones de entretenimiento, S.L. por incorrer a súa oferta en baixa temeraria e non ser aceptada a xustificación da mesma presentada polo licitador, incluído o derradeiro escrito presentado o 7 de xullo ao que se fixo mención anteriormente.

Segundo.- Adxudicar a realización das obras de "Obras de reparación e adecuación nos parques infantís de Agro do Muíño, Praza de Chavián e Praza de Correos" á empresa

Jardincelas SL, con CIF B-15538135 e nas seguintes condicións:

A.- Prezo: O importe da oferta do dito licitador ascende á contía de **corenta e dous mil catrocentos dous euros con corenta e oito céntimos (42.402,48 euros)** sen IVE.

B.- IVE repercutible: A contía do IVE repercutible ao tipo do 21% ascende a contía de **oito mil novecentos catro euros con cincuenta e dous céntimos (8.904,52.- euros)**.

C.- Prazo de execución: O prazo de execución da obra será de **2 meses**, contados a partir do día seguinte ó da sinatura da acta de comprobación de replanteo, salvo que exista reserva fundada que impida o seu comezo.

D.- Resto de condicións: O adxudicatario deberá cumprir coas condicións fixadas nos pregos de cláusulas administrativas particulares polo que se rexeu o procedemento, así como coa proposición formulada.

PUNTO SEXTO.- APROBACIÓN DO PADRÓN DAS TAXAS POLA PRESTACIÓN DOS SERVIZOS DE SUBMINISTRACIÓN DE AUGA, SANEAMENTO E DEPURACIÓN DE AUGAS RESIDUAIS E ACTIVIDADES E SERVIZOS RELACIONADOS COA HIXIENE URBANA, CORRESPONDENTE AO SEGUNDO TRIMESTRE DO EXERCICIO 2014.-

Á vista dos padróns das taxas pola prestación dos servizos de subministración de auga, pola prestación dos servizos de saneamento e depuración de augas residuais e pola prestación de actividades e servizos relacionados coa hixiene urbana, en concreto co feito impositivo recollido no seu artigo 2.1a) da ordenanza municipal do Concello de Ames.

Á vista do informe – proposta de Tesourería de data 05/08/2014.

Á vista da base de execución do orzamento que di na súa base 29ª que en materia de ingresos públicos, substitúese a fiscalización previa de dereitos pola inherente á toma de razón en contabilidade e por actuacións comprobatorias posteriores mediante a autorización de técnicas de mostraxe ou auditoría.

Á vista do anterior, a Xunta de Goberno Local, en virtude do decreto de delegacións de Alcaldía 751/2011, adopta o seguinte acordo:

Primeiro: Aprobar inicialmente o padrón fiscal, que se xunta á presente como anexo, da **taxa pola prestación dos servizos de subministración de auga**, correspondente ao segundo trimestre do exercicio 2014, tal e como se detalla no seguinte cadro:

Servizo	subministración de auga
Período	Segundo trimestre do exercicio 2014
Nº abonados	14.480
Importe taxa por consumo de auga	304.171,13 €
IVE (10%)	30.374,49 €
Importe taxa por verificación e conservación contadores	14.559,90 €
IVE (21%)	3.027,41 €

Segundo: Aprobar inicialmente o padrón fiscal que se xunta á presente como anexo, da **taxa pola prestación dos servizos de saneamento e depuración de augas residuais**, correspondente ao segundo trimestre do exercicio 2014, tal e como se detalla no seguinte cadro:

Servizo	saneamento e depuración de augas residuais
---------	--

Período	Segundo trimestre do exercicio 2014
Nº abonados rede sumidoiros	15.549
Nº abonados depuración	15.489
Importe taxa por rede sumidoiros	76.006,91 €
IVE (10%)	7.580,83 €
Importe taxa por depuración	164.750,88 €
IVE (10%)	16.458,25 €
Nº abonados Canon de saneamento- XUNTA	14.480
Importe Canon de saneamento- XUNTA	96.459,30 €

Terceiro: Aprobar inicialmente o padrón fiscal que se xunta á presente como anexo, da **taxa polas actividades e servizos relacionados coa hixiene urbana**, en concreto co feito *impoñible recollido no seu artigo 2.1a) da ordenanza municipal do Concello de Ames*, correspondente ao segundo trimestre do exercicio 2014, tal e como se detalla no seguinte cadro:

Servizo	actividades e servizos relacionados coa hixiene urbana
Período	Segundo trimestre do exercicio 2014
Nº abonados	15.847
Importe taxa por xestión do lixo e residuos sólidos urbanos segundo art 2,1a) da ordenanza	295.959,05 €

Cuarto: Proceder a exposición pública do dito padrón durante o prazo de 15 días, a contar dende o día seguinte ó da publicación do correspondente edito no Boletín Oficial da Provincia e no Taboleiro de editos do Concello, prazo durante o cal o dito padrón estará a disposición dos interesados no Concello. De non terse presentado ningún escrito de reclamación dentro do dito prazo o Padrón quedará definitivamente aprobado.

Quinto: Dar traslado á Tesourería e a concesionaria Espina e Delfín, S.L., aos efectos oportunos.

PUNTO SÉTIMO.- APROBACIÓN DO PADRÓN DA TAXA POLA PRESTACIÓN DE SERVIZOS EDUCATIVOS E DE CONCILIACIÓN DA VIDA FAMILIAR E LABORAL PADRÓN PRESTACIÓN XUÑO LÚDICO 2014 .-

Á vista do padrón da Taxa pola prestación de servizos complementarios educativos e de conciliación da vida familiar e laboral – **Xuño Lúdico** – correspondente ao mes de xuño de 2014, son un total de 192 rexistros, o importe da cal ascende á cantidade de CINCO MIL CINCUENTA E CATRO EUROS CON SETENTA E CINCO CÉNTIMOS DE EURO (5.054,75 €); consta de 6 páxinas, se inicia por Abraira Pin, M^a Soledad e remata por Vizoso Durán, Florentina.

Á vista do informe – proposta de Tesourería de data 06/08/2014.

Á vista da base de execución do orzamento que di na súa base 29^a que en materia de ingresos públicos, substitúese a fiscalización previa de dereitos pola inherente á toma de razón en contabilidade e por actuacións comprobatorias posteriores mediante a autorización de técnicas de mostraxe ou auditoría.

Á vista do anterior, a Xunta de Goberno Local, en virtude do decreto de delegacións de

Alcaldía 751/2011, adopta o seguinte acordo:

Primeiro: Aprobar inicialmente o padrón fiscal que se xunta a presente como anexo,

Servizo	Xuño Lúdico
Período	Xuño de 2014
Nº Usuarios	192
O Padrón iníciase con	Abraira Pin, M ^a Soledad
O Padrón finaliza con	Vizoso Durán, Florentina
Nº páxinas	6
Cota tributaria íntegra	5.597,50 €
Cota tributaria líquida	5.054,75 €

Segundo: Proceder a exposición pública do dito padrón durante o prazo de 15 días, a contar dende o día seguinte ó da publicación do correspondente edito no Boletín Oficial da Provincia e no Taboleiro de editos do Concello, prazo durante o cal o dito padrón estará a disposición dos interesados no Concello. De non terse presentado ningún escrito de reclamación dentro de dito prazo o Padrón quedará definitivamente aprobado.

Terceiro: Dar traslado á Tesourería e a oficina de recadación municipal, aos efectos oportunos.

PUNTO OITAVO.- APROBACIÓN DO CENSO DE ALUMNOS/AS DAS ESCOLAS INFANTÍS MUNICIPAIS O BOSQUE E A MADALENA, AGOSTO 2014.-

Polo departamento de Educación, dáse conta do censo de alumnos/as das escolas infantís municipais O Bosque e A Madalena, do mes de agosto de 2014, así como das tarifas que deben aboar.

O resumo é o seguinte:

Centro	Nº de nenos/as	Importe tarifas agosto 2014
Escola infantil municipal O Bosque	125	3.996,30 €
Escola infantil municipal A Madalena	103	3.010,40 €

A Xunta de Goberno Local, por unanimidade dos seus membros presentes e previa delegación da Alcaldía (decreto 751/2011), presta aprobación aos referidos censos.

E non habendo máis asuntos que tratar levántase a sesión ás trece horas e trinta minutos, estendéndose a presente acta que asina o señor presidente, do que certifico.